

MASOMPHENYA

A WILLIAM BRANHAM

 Tepi iyi ikupangidwira kwa Ufumu wa Mulungu, pamene ine ndikuiureka iyo kwa M'bale Lee Vayle kuti ikhale yolembedwa pamanja. M'bale Vayle wandipempha ine, pano pamaso pa M'bale Mercier, kuti—kuti ndimpatse ena a masomphenya akale. Zoonadi, masomphenya amene... Ine...woya-...Chimodzi cha zinthu zoyambirira zimene ine ndingakumbukire, ndi masomphenya, akubwera. Masomphenya amabwera nthawi zonse. Koma kutembenuka kwanga kutachitika ndi pamene ine ndikuganiza inu muli napo chidwi, M'bale Vayle.

² Chabwino, ine ndikukumbukira, ine nditadzozedwa mu mpingo, mpingo wa Baptisti, ndi Dr. Roy Davis, kuno ku Watt Street mu Jeffersonville, kumene mpingo unali pa nthawi imeneyo. Ine ndikukumbukira masomphenya amodzi apamwamba, pasanapite masabata angapo pambuyo pa kwanga...za a...Ine ndingati, patangopita masiku angapo pambuyo pa kudzozedwa kwanga. Ine ndinali...ndinawona masomphenya a bambo wachikulire amene anali atagona mchipatala, amene anaphwanyidwa. Iye anali bambo wachikuda. Ndipo iye anachiritsidwa nthawi yomweyo, mochuluka, kuti izo zinayambitsa chisokonezeko chachikulu. Ndipo iye anadzuka kuchoka pa bedipo ndipo ananyamukapo nkumayenda.

³ Ndipo masiku awiri, pafupifupi masiku awiri, zitachitika zimenezo, ine ndinali ndikuwadulira anthu, chifukwa chosalipira mu New Albany, madzi, ndi gasi, ndi—ndi mabilu amagetsi. Ndipo izo...Ine ndimadzazidwa kwambiri ndi chimwemwe! Nthawi iliyonse ndikapeza nyumba yakale, ndimangolowa ndi kukapemphera, inu mukudziwa, mmene simumakhala aliyense.

⁴ Ndipo ine ndikukumbukira ndikuwauza Bambo Johnny Potts, amene ali moyo lero. Iye ali pafupi kuyandikira, ine ndikuganiza, ku usinkhu wa zaka sevente kapena eyite. Analu wowerenga mamita wachikulire. Ndipo iwo analu atamuchotsako kowerenga ma mita nthawi imeneyo, ndipo analu atakamuyika iye pa desiki, kuti azilandira madandaulo ndi zinthu, pamene inu mulowa pakhomu, ndi mafoni a ntchito. Ndipo ine ndinali ndikumuza iye chimene Ambuye analu atandiwonetsa ine. Ndipo iye analu, kamodzi mu kanthawi, akutolera mamita angapo osochera amene munthu woyenerayo sanatolere. Ndipo mu izi, iye—iye ankamuza, mwamuna...

⁵ Chimene, ine ndinawona mu pepala, kumene iwo anali ndi ngolo yakale... Mmasiku amenewo, ankayendetса akavalо awiri, ndipo iwo ankatalera zinalala ndi nyansi, mu ngalande. Uko kunali munthu wachikulire wachikuda dzina lake Bambo Edward J. Merrell. Iye ankakhala ku 1020 Clark Street mu New Albany. Ndipo iye anali atagundidwa ndi azungu awiri, amene anali mtsikana wachizungu ndi a—ndi mnyamata, atakwera galimoto. Ndipo iye anali atalephera kuwongolera galimotoyo, ndipo anali atamuphwanyira iye mu gudumu la ngolo. Ndipo iyo inangothyola mafupa onse mu thupi lake, pafupifupi, ndipo iwo kudutsira gawo lachifuwa chake, makamaka. Anawusuntha nsana wake kuwuchotsa pamalo. Ndipo iwo anali naye iye mchipatala, ali moyipa kwambiri.

⁶ Ndipo Bambo Potts, akudutsa ku—chipatala uko mu New Albany, ndinali nditamuza iye za Ambuye akuchita ndi ine. Ndipo iye anandilitana ine kuti ndibwere, kudzamupempherera iye. Ndipo nthawi yomweyo, ndinaganiza, “Ameneyo ndi munthu yemwe ndinamuwona mmasomphenya awa.”

⁷ Chotero, ine—ine ndinali wamantha pang’ono kuti ndipiteko, chifukwa ako kanali koyamba kanga, inu mwaona, kuti ndipite monga choncho. Chotero, koma, komabe, ine ndinapita ndipo ndinakamatenga mzangayo, amene anali atangotembenuka kumene, mnyamata waming’ono wa Chifaransa wotchedwa George DeArk. Ndipo ine ndinali nditangomutsogolera iye kwa Khristu. Ndipo ife tinapita mmwamba. Ndipo ine ndinati, “Tsopano, M’bale George, ine—ine—ine ndikufuna kuti mukumbukire. Zinthu izi zimene zimachitika kwa ine, ine sindingathe kuzimvetsa izo. Koma, inu mukukumbukira, munthu uyu achiritsidwa. Ndipo pamene ati achiritsidwe, pali... Ine sindingathe kumupempherera iye kufikira anthu awiri achizungu atabwera ndi kudzayima mbali inayo ya bedi, chifukwa ine ndikuyenera kuchita izo momwe izo zinawonetseredwa kwa ine.”

⁸ Ndipo ine ndinalowa—mchipatalamo ndipo ndinawaitanitsa Bambo Merrell. Ndipo ine ndinapita kumeneko, ndipo mkazi wake anandiua ine kuti iye anali atadwalika kwambiri. Ndipo iye samatha kusuntha chifukwa ma x-ray anali atawonetsa kuti ena a mafupa awa anali pafupi ndi mapapo. Ndipo ngati iye angasunthe, bwanji, iwo angati, angathe kuphulitsa mapapo ake ndi kumataya magazi mpaka kufa. Ndipo iye anali moyipa kwambiri. Ndipo kunali kutuluka magazi pang’ono kuchokera ku mmero kwake, ndi zina zotero, chifukwa anali akuwukha magazi pakamwa. Iye anali atagona pameneo kwa pafupifupi masiku awiri. Ndipo bamboyo anali, pa nthawi imeneyo, pafupifupi usinkhu wa zaka sikisite-faiyi, ine ndikuganiza, sikisite kapena sikisite-faiyi. Bambo wachikulire; masharubu ake, atali, anali atasanduka oyera. Ndipo tsitsi lake linali la imvi.

⁹ Ndipo ndinalowa mmenemo ndipo ndinamuza munthu uyu, chonchobe, masomphenya amene ine ndinawaona ochokera kwa Ambuye. Ndipo achinyamatawo analowa, amene anamugunda iye. Ndipo ine ndinagwada pansi kuti ndimupempherere iye. Ndipo mwadzidzidzi, mwamuna uyu anafuula, akuti, "Ndachiritsidwa," ndipo analumphira mmwamba. Ndipo mkazi wake, akuyesetsa kuti amugwirire iye, pa bedi. Ndipo mmodzi wa ophunzira anabwera, kuyesetsa kuti amugwirire pa bedi. Ndipo iye analumphha kuchoka pa bedi, zinayambitsa chisangalalo chochuluka. Ndipo pamene ine ndinapita ku... Ine ndinati kwa M'bale George...

¹⁰ Ndipo kenako mmodzi wa masistere, icho chinali chipatala cha Chikatolika, anadzalowa ndipo anati ine ndikuyenera kuti ndituluke mmenemo, chotero pofuna kumukondoweza mwamunayo. Chifukwa, iye anali ndi kuphwanya kwa mthupi, pafupifupi handiredi ndi foro. Ndipo chinthu chachirendo, pamene iwo anamubwezera iye mkati; a—wansembe, malowo, ndipo madokotala ena anamuyika iye, anamupangitsa iye kubwerera ku bedi, chifukwa iye anali akuvala zovala zake. Ndipo pamene iwo anamuyeza kutentha kwake, iye analibe kutentha.

¹¹ Tsopano, pali anthu ambiri amene ali moyo lero, amene anawona masomphenyawo, anawawona iwo akuchitika, kapena akudziwa za iwo.

¹² Ndipo ine ndinatuluka ndipo ndinadzaima pa masitepe, ndipo ndinati kwa M'bale George, "Tsopano, inu mupenye. Iye akhala atavala chikhothi cha burauni ndi chipewa cha khonde. Iye adzayenda kutsika masitepe awa, mu maminiti pang'ono." Ndipo iye ndithudi anatero. Iye anadzatulukira ndipo anadzayenda chotsika.

¹³ Ndipo pafupifupi a—a—usiku izo zitudutsa, Ambuye anawonekeranso kwa ine kachiwiri, mmawa wina, kutangotsala pang'ono kucha, ndipo anandiwonetsa ine mkazi wolumala moipa, amene akanati adzachiritsidwe. Chotero ine ndinati, "Chabwino, ine ndi—ine mwinamwake ndifufuza kumene iye ali."

¹⁴ Ndipo chotero ine ndinatsikira kumeneko ndipo ndinali ndikutseka madzi ena, kumtunda uko, ine ndikukhulupirira uko kunali, kuzungulira Eighth Street mu New Albany. Ndipo ine ndinali... Iyo inali nyumba ya makomo awiri, ndipo ndimachita mantha kuti ndadula mbali ziwiri zonse. Mbali imodzi, anthu anali atasamukako; ndipo mbali inayo, anthu anali ali komweko. Chotero ine ndinapita ku mbali imene inali ndi—anthu, imene imakhalidwayo. Ndipo ndinagogoda pakhomu. Ndipo iwo anali a—a—anthu osauka kwenikweni. Ndipo mtsikana wopatsa chidwi kwambiri, wamng'ono anabwera pakhomu, wovala

mosawoneka bwino. Ndipo iye—iye anati, “Inu mukufuna chiyani?”

Ine ndinati, “Kodi ungayese madziwo, kuti uwone ngati asiya?”

¹⁵ Ndipo iye anati, “Inde, bwana.” Ndipo iye anapita. Iye anati, “Ayi. Madzi akutulukabe.”

Ine ndinati, “Zikomo iwe.”

¹⁶ Ndipo amayi ake, atagona pa bedi, dzina lawo linali Akazi a Mary Der Ohanian. Ndipo iwo anali wa Achiarmenia. Mnyamata wawo ankasewera kumbuyo kwenikweni, ine ndikukhulupirira iko kunali, ku New Albany, timu ya mpira wamiyendo. Ndipo iye, mwana wake wamkazi, anali ku sekondale. Dzina lake linali Dorothy. Ndipo iye anati . . . Dorothy akuti kwa ine, “Kodi inu si munthu wa Mulungu uja amene anali ndi machiritso aja kuno mu chipatala, tsiku lina? Mayi anga akufuna atayankhulana nanu.” Ndipo ine ndinalowa.

¹⁷ Ndipo iye anandiua ine kuti iye anali atagona, wolumala. Ndipo iye anakhala ali wolumala, mu bedi, zaka seventini, chibadwireni mtsikana uyu. Ndipo chotero mtsikanayo anali wa usinkhu wa zaka seventini zakubadwa. Ndipo chotero ine ndinamuza iye kuti . . . Iye anati, “Kodi ndinu munthu wa Mulungu uja amene munamuchirtsu mwamuna uja?”

¹⁸ Ine ndinati, “Ayi, amayi. Ine si mchiritsi. Ine basi—ndinangomupempherera—bambo wodwalayo, ndipo ndinawonetsetswa ndi Chinachake chimene chinandiua ine.” Ine sindinkadziwa kuti ndichitche chiyani icho; masomphenya, kapena chiyani. Ine sindinadziwe chimene icho chinali, apobe. Ine ndinali mnyamata chabe, ndi wosakwatira ndi chirichonse. Ndipo chotero kunali a . . . Uyu—dona uyu anandipempha ine pemphero, kwa iye. Ndipo ine ndinamuza iye, “Ndiloleni ine ndipemphere, choyamba, ndiyeno ngati Ambuye anandiwonetsera ine kuti ndibwerere.”

¹⁹ Ndipo kenako pamene ine ndinapita kukapemphera . . . Ine ndinakamupeza M’bale George. Ndipo ine ndinati, “Ameneyo ndi mkazi amene ine—ine ndimakuuzani inu kuti ine ndinali nditamupempherera. Ndikudziwa kuti ndi mkazi yemweyo. Tiyen'i mupite nane.”

²⁰ Ndipo ife tinapita kumeneko kuti—kuti ndikapemphere. Ndipo chotero mtsikana wamng’ono wa usinkhu wa zaka seventini zakubadwa, ndithudi, ine ndiri mnyamata wamng’ono chabe. Ndipo iye anali ndi mchimwene wake, pafupifupi sikisi, usinkhu wa zaka sikisi, chinachake chonga chomwecho. Ndipo apo panali mtengo wa Khrismasi, iyo inali Khrismasi itangotha, utayima mnyumbamo. Ndipo iwo anapita kuseri kwa mtengo wa Khrismasi uwu, kuti azindiseka ine. “Kuti amayi awo achiritsidwa.” Ine ndinamuza iye kuti Ambuye amuchirtsu

iye. Ndipo ine... M'bale George ndi ine tinakhala pansi kuti tipemphere.

²¹ Ndipo pamene ine ndinayamba kuti ndizipemphera, chabwino, Mngelo uja amene ine ndimamuwona, Amene inu mumamuwona pa chithunzi, Ine ndinakuwona Iko kutapachikika pa bedi. Chabwino, ndinafikira ndipo ndinadzamugwira dzanja lake. Ine ndinati, "Akazi a Ohanian." Tsopano, iye akukhala ku New Albany pakali pano, iye ndi mwamuna wake, banja. Ndipo ine ndinati, "Akazi a Ohanian. Ambuye Yesu wandituma ine, ndipo anandiua ine ndisanabwere, kuti, kuti ndidzakupempherereni inu, ndipo inu 'mukhala bwino.' Imirirani pa mapazi anu, ndipo muchiritsidwe, mu Dzina la Yesu." Miyendo yake inapinimbiririra mmwamba pansi pake. Iye, ali ndi Baibulo lake la Achiajmeniya pamtima pake, anayamba kusunthira cha m'mbali ya bedi. Ndipo pamene iye anatero, iye...

²² Kenako Satana anayankhula ndi ine, anati, "Iwe ukamulola iye kuti agunde pansi apo, iye athyola khosi lake, akatsika pa bedi lalitali limenero." Ine ndinachita mantha kwa kamphindi.

²³ Ndipo ine nthawizonse ndinakhala ndikudziwa kuti chimene masomphenya amenewo, ine sindimadziwa chimene iwo anali apo, anali atandiua ine kuti nthawizonse amakhala olondola. Chotero ine ndinapitirira, mulimonse, ndinamulola iye kuti atsike pa bedipo. Ndipo Mulungu pokhala mboni yanga, mwamsanga pamene iye anayamba, kudumpha kuchoka pa bedi limenero, miyendo yonse inawongoka. Mwana wake wamkazi anaafuula, akukoka tsitsi lake, ndi kumakathamanga pa msewu, akufuula mokweza monga momwe iye akanathera. Oyandikana nawo anabwera kuchokera konsekone. Ndipo apo iye anali, kwa nthawi yoyamba kwa zaka seventini, akuyenda mozungulira mchipinda chimenecho, akumutamanda Mulungu. Ine ndinachokapo, nthawi yomweyo, kuti nditalikirane nazo izo.

²⁴ Kenako, ndinazadziwana ndi mtsikana wamng'ono yuu, ndipo ndinadzapita naye. Ndithudi, izi sizikuyenera kulembedwa, koma ine ndinapita ndi mtsikanayo.

²⁵ Posakhalitsa pambuyo pake, masabata angapo, ndinali mnyumba ya amayi anga, madzulo wina. Ndipo ndinakhala ndikupemphera, tsiku limenero, ndipo ine—ine basi mophweka zimalephera kuwoneka kuti ndikubowoleza, kukhala ndi—kukhala ndi—chigonjetso mpemphero langa. Ndipo ine ndinaganiza, ndingokhala zonse... inu mukudziwa, kuitirira wokagona. Ine ndinali ndikukhala kwathu, nthawi imeneyo. Ndipo chotero ndinalowa m—mchipinda, ku—kukapemphera. Ndipo ine... inali pafupifupi wani koloko mmawa, ine ndikuganiza. Ndipo ine—ndinapemphera.

²⁶ Ndipo, zonse mwakamodzi, ine ndinayang'ana. Ndipo, amayi, iwo ankakonda kutenga zovala zaho, nkuziwunjika izo

pa mpando, inu mukudziwa. Ife tinali anthu osauka kwenikweni. Ndipo ine ndinayang'ana, Chinachake choyerwa chikubwera kwa ine, ndipo ine ndinaganiza kuti ndimayang'ana pa mpando wa zovala uwo. Koma Uyo anali Mngelo wa Ambuye uja, uja—Mtambo uja, inu mukudziwa. Ndipo Iye anadzabwera pamene ine ndinali.

²⁷ Ndipo ine—ndipo ndinali nditaimirira mchipinda, chaching'ono, chimene ife timachitcha nyumba ya "mfuti" yaying'ono, nyumba yowongoka, zipinda ziwiri mkatı mwake. Ndipo iyo inali ndi khoma lofiira pamwamba apa mmbali, inu mwaona. Panali bedi laling'ono lachitsulo kumanja kwanga. Panali mkaazi wamutu wakuda atayima motsamira... Chipinda chimodzicho chinatulukira ku khitchini. Iye anali atayima pa chitseko cha kukhitchini chija, akulira. Apo panali abambo atayima kwa ine, ndipo anali atandibweretsera ine mwana, amene chinachake chinali chitayala pa chifuwa chake chaching'ono. Ndipo umodzi, mwendo wake wakumanzere, unali utakulungidwa mozungulira, mpaka iwo unali utatsamira pa thupi lake laling'ono. Ndipo mwendo wakumanja, unakulungidwa mbali inayo. Mikono iwiri yonse itakulungidwa, nayonso, pa thupi lake. Ndipo thupi lake laling'ono linali lopiringizidwa ndi lokulungidwa mpaka pomwe *apa* pakhosí pake. Ndipo ine ndinadabwa, "Kodi izi zikutanthauza chiyani?" Ndipo ine ndinayang'ana, nditakhala pansi kumanzere kwanga, ndipo apo panakhala mayi wokalamba, akuvula magalasi ake, ndipo akupukuta misonzi pa iwo kapena chinachake pa magalasi ake. Kumanja kwanga, pa wofutukuka pawiri wofiira, umene umafanana ndi mpando, panakhala mnyamata wamng'ono, wa mutu wa mzindo ndi tsitsi lopiringizika, akuyang'ana kunja pazenera.

²⁸ Ndipo ine ndinayang'ana, nditayima cha kumanja kwanga, ndipo apo panayima mkatı... Mngelo uja wa Ambuye. Ndipo Iye anati kwa ine, "Kodi mwana ameneyu angakhale moyo?"

Ndipo ine ndinati, "Bwana, ine sindikudziwa."

Iye anati, "Ika manja ako pa iye. Iye akhala moyo."

²⁹ Ndipo ine—ine ndinatero. Ndipo mwanayo anali atalumphira pansi, kuchoka pa...kuchoka mmanja mwa bamboyo. Ndipo waung'ono, mwendo wakumanja unamasuka, ndi wa mmbali ya kumanja unamasuka, nkono wa kumanja unamasuka. Iye anapanga sitepe ina, ndipo mbali inayonso inadzamasuka. Anapanga sitepe ina, ndipo mbali inayo inamasuka, thupi, gawo lapakati linamasuka. Ndipo iye anayika manja ake aang'ono mu anga, ndipo anati, "M'bale Branham, ndine wangwiro kwamphumphu." Mwana wamng'onoyo anali atavala zophimba za koduro za buluu, kapena maovololo, maovololo aang'ono a ndanyera. Ndipo iye anali ndi tsitsi labulauni, ndi kamwa laling'ono, lochepa, laling'ono.

³⁰ Ndipo kenako Mngelo wa Ambuye anandiua ine kuti Iye anali akunditengera ine kwinakwake. Ndipo ndinatengedwera kutali. Ndipo Iye anadzandikhazika ine pansi pambali ya manda akale, ndipo anandiwonetsa ine manambala pa manda, apafupi ndi tchalitchi. Ndipo Iye anati, “Awa akhala malo ako okulondolera.”

³¹ Iye ananditengera ine kupita kumalo ena. Ndipo uko kunali a... zinkawoneka ngati inali tauni yaying’ono, yokhala ndi pafupifupi masitolo awiri mmenemo. Ndipo imodzi inali ndi kumaso kwachikasu, mabodi achikasu pamakoma. Ndipo ine ndinayenda kupita kumeneko, kapena ndinayima pameneapo. Ndipo apo panali bambo wachikulire akutuluka, atavala jekete ya koduroyi ya buluu, kapena jekete ya jini ya buluu ndi ovololo ya buluu, ndi chipewa chachikasu cha koduroyi. Iye anali ndi masharubu ambiri, oyera.

Iye anati, “Iye akusonyeza iwe njira yake.”

³² Ndipo nthawi yotsatira imene ine ndinabwera, ine ndinadziwona ndikuyenda kulowa mchipinda, ndikumutsatira mkazi wamng’ono wojintcha. Ndipo pamene ndimalowa pakhomo, mawerengero a pa pepala pakhoma anali ofiira. Pamwamba pa khomo panali cholembedwa, “Mulungu dalitsani nyumba yathu.” Pali bedi lalikulu, lachikale, lamkuwa liri kumanja kwanga. Ndipo mbaula ili kumanzere. Ndipo uko pangodya, panali mtsikana wa pafupifupi usinkhu wa zaka fiftini. Ndipo iye anali ndi poliyo kapena chinachake, chimene chinakokera mwendo wake wakumanja mmwamba. Ndipo phazi lake linatembenukira mmbali, ndipo linakokedwera pansi pake. Ndipo iye—ndipo iye ankawoneka ngati mnyamata. Kungoti, iye anali ndi tsitsi ngati mtsikana, ndipo iye anali ndi—milomo yowoneka ngati mtima ngati ya mtsikana.

Ndipo Iye anati kwa ine, “Kodi mtsikana ameneyo angayende?”

Ndipo ine ndinati, “Bwana, ine sindikudziwa.”

³³ Iye anati, “Pita ukaike manja ako pamimba pake.” Ndiye ine ndinaganiza kuti iye anali mnyamata, ndithudi mokwanira, chifukwa Iye pondisiya kuti ndiyike manja anga pamimba pake. Ndinachita monga Iye anandiuzira ine.

³⁴ Ndipo ndinamva winawake akuti, “Ambuye alemekezeke.” Ndipo ine ndinayang’ana mmwamba. Ndipo pamene ine ndinatero, mtsikana uyu anali akudzuka. Ndipo pamene iye anadzuka, zovala zogonera zimene iye anali atavala, mwendo wa chovala chake chogonera unakwera mmwamba, ndipo iwo unawonetsa bondo lozungulira ngati bondo la mtsikana ndipo lopanda mfundo, inu mukudziwa, ngati bondo la mnyamata. Ndipo ndinadziwa kuti anali mtsikana. Ndipo iye anali atavala zovala zake zogonera. Ndipo iye anabwera, akuyenda

kumabwera kwa ine, akupesa tsitsi lake. Iye ndi wa mzindo, akupesa tsitsi lake.

³⁵ Mtsikanayo amakhala ku Salem, lero, anakwatiwa, ndipo ali ndi ana atatu kapena foro. Ndipo amayi ake ndi abambo ake akadali kumenekobe, nawonso.

³⁶ Ndipo chotero ine—ine—ine ndinadzabwera. Ndipo ndimakhoza kumumva wina akuti, “M’bale Branham...” Kapena, “M’bale Bill! Oh, M’bale Bill!” Ndipo amayi anga anali akundiyitana ine. Ndipo ndinaganiza. Ine ndimakhoza kumva imodzi, mbali imodzi. Ndikutuluka mmasomphenya amenewo, inu mukudziwa, wokhala ngati wofooka. Ndipo ine ndinati, “Mukufuna chiyani, amayi?” Mchipinda chotsatira, mmene iwo ankagona.

Ndipo iwo anati, “Pali winawake akugogoda pakhomo pako.”

³⁷ Ndipo ndinamva izo, “M’bale Bill!” Ndipo ndinakatsegula chitsekocho. Panali munthu amene anadzalowa. Dzina lake linali John Emil. Iye amakhala ku Miami, Florida, tsopano. Ndipo iye anati, “M’bale Bill, simukundikumbukira ine.”

Ine ndinati, “Ayi. Ine sindikukhulupirira kuti ndikutero.”

³⁸ Anati, “Munandibatiza ine ndi banja langa. Koma,” anati, “Ndinatenga njira imene ili yolakwika.” Iye anati, “Ine ndinapha munthu, kuno nthawi ina yapitayo. Ndinamumenya iye ndi chibhakera changa, ndipo ndinamuthyola khosi lake, pandewu.” Anati, “Ndataya mmodzi wa anyamata anga aang’ono, wamkulu.” Ndipo anati, “Wamng’ono kwambiri wagona kunyumba, akufa tsopano.” Ndipo anati, “Dokotala wa mumzinda kuno wangochoka kumene, ndipo akuti, ‘Mwanayo ali ndi chibayo chowirikiza pawiri.’ Ndipo akulephera ngakhale kuti apume.” Ndipo anati, “Ine—ine—ine basi... Inu munabwera pa mtima wanga. Ndipo ndikudabwa ngati inu mungabwera ndi kudzapemphera naye iye.” Ndipo anati, “Tsopano, monga inu mukudziwa, ndine msuweni wa Graham Snelling.” Chimene, Graham Snelling, M’busa Graham Snelling tsopano, anali asanakhale mtumiki pa nthawi imeneyo; mynyamata wabwino Wachikhristu. Iye anati, “Iye ndi msuweni wanga. Ndikupita kukamutenga iye.” Yemwe ankakhala pafupifupi theka la mailo kuchokera kwa ine, kumusi mu mzinda. Ndipo anati, “Ndikupita kukamutenga iye. Ndipo inu mutipa kumtunda uko?”

Ine ndinati, “Inde, Bambo Emil, ndikangovala zovala zanga.”

Ndipo chotero iye anati, “Nditenga galimoto yanga, ndipo ndikutengerani inu kumeneko.”

Ine ndinati, “Chabwino.”

³⁹ Anati, "Posakhalitsa ndikamutenga Graham. Ndipo ine ndikufuna inu nonse kuti mukamupempherere mwanayo."

Ine ndinati, "Chabwino."

⁴⁰ Chotero ndiye ndinapita kukakonzekera. Ndipo amayi anati, "Kodi chavuta ndi chiyani?"

Ine ndinati, "Pali mwana wamng'ono woti achiritsidwe."

Ndipo chotero iwo anati, "Achiritsidwe?"

Ndipo ine ndinati, "Inde, amayi."

Ndipo chotero ine ndinati, "Ndikuuzani zambiri za izo ndikabwerako."

⁴¹ Chotero mu kanthawi pang'ono, iye anadzagogoda pakhomoo, ndipo M'bale Graham anali naye. Ife tinali tikupita kumtunda kuno, mwa chimene ife tikuchidziwa ngati koyimitsira ngalawa tsopano, kumene kunali Koyimitsira ngalawa kwa Howard pa nthawiyo. Ine ndinati, "Bambo Emil, kodi inu . . . Kodi mukukhala kuti tsopano?"

Iye anati, "Kumtunda kwa Utica."

⁴² Ine ndinati, "Inu mumakhala mu yaying'ono, imene ife timayitcha nyumba 'yamfuti', zipinda ziwiri zazing'ono."

"Inde, bwana."

"Ili pa phiri."

"Inde, bwana," iye anatero.

⁴³ Ine ndinati, "Lanu—thabwa lanu lapansi liri ndi lirime ndiponso la mizere, ndipo munapenta ndi mtundu wofiira."

Iye anati, "Izo nzoona."

⁴⁴ Ine ndinati, "Mwana wamng'onoyo wagona pa bedi lachitsulo. Ndipo mnyumbamo iye ali ndi, pafupifupi, ovololo ya buluu ya koduroyi."

Akuti, "Iye wawala iyo."

⁴⁵ Ndipo ine ndinati, "Ndipo mwanayo ndi mnyamata wamng'ono, pafupifupi usinkhu wa zaka zitatu. Ndipo Iye alinso ndi kamwa laling'ono, milomo yaying'ono yopyapyala. Ndipo iye ali ndi tsitsi labulauni."

Iye anati, "Izo nzoona."

⁴⁶ Ine ndinati, "Akazi a Emil ndi mkazi wamutu wakuda. Ndipo mchipinda ichi, inu muli ndi wofutukuka pawiri wofiira ndi mpando wofiira."

Iye anati, "Kodi inu munayamba mwafikako kumeneko, M'bale Branham?"

Ine ndinati, "Kanthawi kapitako."

"Kanthawi kapitako?" iye anatero.

Ine ndinati, "Inde."

“Bwanji,” iye anati, “Ine sindinayambe ndakuwonanipo inu.”

⁴⁷ Ine ndinati, “Ayi. Zinali mwauzimu.” Ine ndinati, “Bambo Emil, mwandimvapo ine ndikunena, ngati ndingakubatizeni inu, pa zinthu zimene zimandichitikira ine. Izo zikhoza...Ine ndimawona zinthu izo zisanachitike.”

⁴⁸ Iye anati, “Inde. Kodi chinachake chonga icho chinachitikapo kwa inu, M’bale Branham?”

⁴⁹ Ine ndinati, “Inde. Ndipo Bambo Emil, chirichonse chimene Icho chinali chimene chinandiua ine, sichinandiuzepo ine bodza. Mwana wanu akachiritsidwa ndikakafika kumeneko.”

⁵⁰ Ndipo iye anayimitsa galimoto, anagwera pa chiwongolero, anati, “Mulungu, ndichitireni ine chifundo. Ndibwezereni ine, O Ambuye.” Mukuona? “Ndipo ine ndikukulonjezani Inu, kuti ndizikukhalirani Inu moyo, masiku anga onse, ngati Inu muti mupulumutse moyo wa mwana wanga.” Ndipo pamenepo iye anapereka mtima wake kwa Khristu. Ife tinalowa mnyumbamo, tonse titakondowezeka naye iye, moyo ukubwezeredwa kwa Khristu.

⁵¹ Pamene ife—pamene ife tinakalowa mnyumbamo, apo panali chirichonse chiri ndendende basi momwe izo zinaliri, mayi wokalambayo yekhayo panalibepo. Nditatengeka, nditatengeka kwambiri, ine ndinati, “Ndibweretsereni ine mwanayo.” Ndipo mwanayo anangokhala pafupi kufa. Mukuona? Kujako “kuzikulungiza,” kunali kuchoka moyo mwa mwanayo. Iye anangozikulungiza mpaka *apa*, khosi lake laling’ono. Ndipo ine ndinati, “Ndibweretsereni ine mwanayo.” Osadikirira kuti masomphenyawo akwanirtsidwe.

⁵² M’bale Vayle, ngati padi iyi imayenera kuti idzakhale *apa*, ine sindinganene liwu mpaka padi imeneyo itayikidwa pamenepo. Mukuona? Zikuyenera kukhala basi momwe Iwo anandiwonetsira ine.

⁵³ Chotero ine ndinati, “Ndibweretsereni ine mwanayo.” Ndipo abambo anamubweretsa mwanayo kwa ine, ndipo ine ndinamupempherera iye, ndipo izo zinaipiraipira. Chotero ine ndinaganiza, “Tsopano chinachake...” Iye ndithudi amalephera kupuma, ndipo iwo anachita kumenyera ndi kumugwedeza, ndi chirichonse, kuti ałowetse kupuma mwa iye. Ine ndinaganiza, “Tsopano, pali chinachake chalakwiwa.”

⁵⁴ Ndipo ndinapezeka ndikuganiza, “Mzimayi wokalamba ali kuti?” Amene panalibepo nthawi imeneyo.

⁵⁵ Chotero iwo anamutenga mwanayo, anakamugoneka iye pansi. Iwo amayika zinthu pansi pa mphuno zake, chirichonse, ndipo amalira. Amake akufuula, mwamanjenje, ndi chirichonse. Koma mwanayo anali basi—akupuma movutikira.

⁵⁶ Ine ndinaganiza, “Chabwino, chifukwa cha kwanga—kupusa kwanga, Ine ndagwiritsa ntchito molakwika masomphenya a Mulungu, chifukwa ine sindinadikirire pa Iwo, pokhala wotengeka kwambiri.”

⁵⁷ Mwa ichi, inu mukhoza kuwona, M’bale Vayle, chifukwa chimene ine ndimadikirira. Sindisamala amene akundiuzza ine. Ine ndimakukondani inu ngati m’bale wanga. M’bale, musadzayesere konse, kundiuzza ine chinachake choti ndichite, pamene ine—pamene ndikumverera kuti ine—ine ndiri ndi chifuniro cha Ambuye. Mukuona? Ziribe kanthu momwe izo zikuwonekera zabwino mbali inayo, ine ndidzamudikirira Iye. Mukuona? Ndipo—ndipo ine—ine ndinaphunzira phunziro pomwe pano, zambiri, zambiri, zaka zambiri zapitazo; ndi kuchita ndendende chimene Iye akunena, ndipo osachita icho mpaka Iye atanena kuti icho chakonzeka kuti chichitidwe.

⁵⁸ Mwanayo anali akumenyera kuti apume. Tsopano, ine sindinathe kuwauza iwo chimene ndinachita, koma ine ndinkangoyenera kuti ndidikirira. Ine ndinaganiza, “Mwinamwake chisomo chiphimba izo, ndipo Iye andikhululukira ine.” Chabwino, ine ndinapita, ndinakakhala pansi.

⁵⁹ Iwo anamenyera moyo wa mwanayo mpaka kucha. Kutayamba kucha, iwo ankaganiza kuti mwanayo apita basi miniti iliyonse. Chabwino, ine ndinakhala pamenepo. Ndipo iwo ankangondifunsa ine, “M’bale Branham, kodi ife tichite chiyani?” Kapena, “M’bale Bill,” iwo ankanditcha ine, “ine ndichite chiyani?”

⁶⁰ Ine ndinati, “Ine sindikudziwa.” Mukuona? Ine ndinakhala pamenepo, mutu wanga uli pansi, ndikuti, “Ambuye, chonde ndikhululukireni ine.”

⁶¹ Chabwino, ndipo kenako kunacha. M’bale Graham Snelling ankayenera kuti azipita ku ntchito. Chotero Bambo Emil ankayenera kumutenga iye, ndipo ndinadziwa kuti ndimayenera kuchoka mnyumbamo.

⁶² Ndipo, komabe, M’bale Graham ankayenera kuti adzakhale pamenepo, chifukwa iwo ali ndi tsitsi la mzindo, lopiringizika, monga inu mukudziwira. Iwo ankayenera kuti adzakhale pa wofutukuka pawiriwo. Chotero ine ndinali nditakhala pamenepo pamene M’bale Graham ankayenera kukhala, koma mkazi wokalambayo panalibepo. Ndipo palibe mkazi wokalamba pamalopo. Chotero ine ndinakhala pamenepo. Ndipo chotero Bambo Emil anavala chikhothi chawo.

⁶³ Ndiye ine ndinadziwa, ngati M’bale Graham wachoka, ndizovuta kudziwa kuti abwereranso liti. Mukuona? Ndipo zitatero ndinadziwa, ngakhale ngati mkaziyo atabwera, ndiye M’bale Graham nkusakhalapo apo. Chotero inu mukuona mtundu wa chochitika chimene ine ndinalimo.

⁶⁴ Ndipo chotero Bambo Emil anati, “M'bale Branham, kodi inu mukufuna muzipita?” Kapena, “M'bale Bill, inu mukufuna muzipita kwanu? Mukufuna ine ndikutengereni inu kwanu?”

⁶⁵ Ine ndinati, “Ayi, bwana. Ine ndingodikirira, ngati inu simukusamala.” Ine ndimadana nazo kukhala mnyumba mmenemo, basi mwanayo ndi amake, inemwini, chifukwa iwo anali achichepere. Iwo, iye, anali pafupifupi usinkhu wa zaka twente-faivi, ine ndikuganiza. Ndipo ine ndinali pafupi usinkhu wa zaka zofanana. Ndipo ine ndinati, “Ayi. Ine basi—ine ndingodikirira, ngati simukusamala.”

Iye anati, “Izo ziri bwino, m'bale, M'bale Bill.”

⁶⁶ Ndipo chotero amayi akuyenda pansi, mwamanjenje, ndipo akuyesera kuti...akulira ndi chirichonse, inu mukudziwa. Ndipo mwanayo atangotheratu. Mukuona? Zikungowoneka ngati, miniti iliyonse, akungokhala ngati akukoka mpweya wake, monga *choncho*, akuchita, *khwii*, *khwii*, ndizo zonse zimene zinalipo, kupuma, kunali mmenemo. Ndipo panalibe... Iwo analibe peniselini ndi zinthu, mmasiku amenewo, inu mwaona. Chotero iwo basi—iwo amangoyika pulasitala pa iwo, ndi zinthu monga choncho. Koma mwana wamng'onoyo anali naye kwa masiku angapo. Ndipo iye anali atapita, mwaona, kapena akupita.

⁶⁷ Ndipo, kenako, ine—ine ndinakhala pansi pamene. Ine ndinaganiza, “Mai, ngati Graham apita...” Graham anavala chikhothi chake, ndipo anayamba kutuluka pakhomo.

⁶⁸ Ndipo iye anati kwa mkazi wake, iye anati, “Tsopano, ife tibwerera, mu miniti yokha.”

⁶⁹ Ine ndinaganiza, “O Mulungu, ndiye ine ndikuyenera kukhala pano tsiku lonse, ndipo mwinamwake usiku wonse, kenanso, mwaona, kuyembekezera masomphenya amenewo. Kodi ine ndichite chiyani?”

⁷⁰ Ndipo ine ndinayang'ana kunja pazenera. Ndipo akubwera mozungulira nyumbayo, kunabwera agogo a mwanayo mmenemo. Ndipo, chabwino, ine ndinazadziwa pambuyo pake, anali agogo aakazi. Ndipo iwo anali atavala magalasi. Ine ndinaganiza, “Ichi ndi zimenezotu, Ambuye, ngati—ngati Graham satuluka pakhomo.” Chotero, iwo nthawizonse amalowera khomo lakumaso. Koma, mwanjiraina, iwo sakudziwa nkomwe, kufikira apa, koma iye anadzera khomo lakumboyo, anadzalowera ku khitchini. Ndipo iye analowera ku khitchini, nyumba yaying'ono, yachikale. Ndipo pamene iye anadzafika pakhomo, mwana wawo wamkazi anathamangira kumeneko ndipo anadzawapsyopsysona iwo, chifukwa anali amayi wa mwana wamkaziyo, inu mukudziwa, ndipo anawapsyopsysona iwo. Ndipo M'bale Graham... .

Kenako iye anati, “Kodi mwanayo ali bwinoko?”

⁷¹ Iye anati, "Amayi, iye akufa." Ndipo iwo anayamba kufuula monga choncho, ndipo amayi ake akulira.

⁷² Ndiye ine ndinaganiza, "Ngati izi zingagwire ntchito, tsopano, ngati Graham satuluka."

⁷³ Ndipo ine ndinadzuka. Ndipo ine sindikananena kanthu, inu mwaona, ndinangodikirira. Ndipo M'bale Graham anayenda mozungulira. Ndinali nditayima kuti iye akhale pansi. Ndipo iye... Ndipo amenewo anali ena mwa abale ake, inu mwaona, chotero iye anangoyamba kulira, nayenso, ndipo anadzakhala pansi pa wofutukuka pawiriwo pamene iye amayenera kuti akhalepo.

⁷⁴ Ine ndinaganiza, "Tsopano, ngati dona wokalambayo angabwere mozungulira ndi kudzakhala pansi mu mpando wofiira uwu!" Ndipo ine ndinabwerera pa chitseko pamene Bambo Emil anali atayima, atavala chikhothi chawo, ndipo akukonzekera kutuluka. Nyengo yozizira kwenikweni, kukuzizira kwa mkuntho. Ndipo ndinaganiza... Ndipo dona wokalambayo anakhala pansi pa mpando uwu.

⁷⁵ Ndipo Graham anakhala pansi, ndipo anagwetsa mutu wake pansi. Ndipo mayi wa mwanayo, anayika dzanja lake mmwamba pa chitseko, ndipo anayamba kulira. Ndendende basi masomphenyawo! Ndipo dona wokalambayo anadzakhala pansi. Ndipo mmalo moti iyo ikhale misonzi, pamodzi, pa magalasi ake; akuchokera kozizira, zinapangitsa iwo chifunga. Ndipo iye anafikira mu chikwama chake chaching'ono ndipo anatulutsamo mpango wawung'ono, ndipo, kapena kachikwama kakang'ono, ndipo anayamba kupukuta magalasi awa. [M'bale Branham akukhwatchesa zala zake—Mkonzi.] M'bale, izo zinali zimenezo.

⁷⁶ Ine ndinati kwa Bambo Emil. Ine ndinati, "Bambo Emil, mukadali nachobe chidaliro mwa ine ngati wantchito wa Khristu?"

Iye anati, "Ine ndithudi ndikutero, M'bale Branham."

⁷⁷ Ine ndinati, "Ine ndikhoza kukuuzani inu tsopano. Ine ndinayankhula patsogolo pa masomphenya, kanthawi kapitako, ndi chifukwa chake izo sizinachitike. Ngati inu mukadali nachobe chidaliro mwa ine, pitani mundibweretsere ine mwana wanuyo." Oh, mai! Ine ndinawona kuti izo zinali bwino, ndiye, inu mwaona. "Pitani, mundibweretsere ine mwana wanuyo."

⁷⁸ Iye anati, "Ine ndichita chirichonse chimene inu mundiuze ine kuti ndichite, M'bale Bill. Ine sindingawope kumunyamula iye." Chifukwa, iwo akamunyamula iye, iye anangopita, mpweya pamodzi unamuchokera iye. Anamubweretsa mwanayo kwa ine. Anafikira ndipo anadzamunyamula mmanja mwake, namubweretsa iye kwa ine, ndipo anayima pamenepe.

⁷⁹ Ine ndinayika dzanja langa pa iye, ndinati, "Ambuye, khululukirani kupusa kwa wantchito Wanu. Mukuona? Ine ndinayankhula patsogolo pa masomphenya Anu. Koma tsopano mulole chidziwike kuti Ndinu Mulungu wa miyamba ndi dziko lapansi."

⁸⁰ Ndisanamalzenso, kunena zimenezo, mwana wamng'onooyo anadzafunyulula mikono iwiri yonse pa abambo ake, anayamba kufuula ndi kulira, akuti, "Adadi, ine ndikumverera bwino tsopano." Mukuona?

⁸¹ Ine ndinati, "Bambo Emil, msiyeni mwanayo yekha. Akhala masiku atatu izo zisanamusiye iye, chifukwa izo zinapanga masitepe atatu, kumasuka."

⁸² Ndinapita kunyumba, ndipo ndinakazinena izo ku tchalitchi changa. Ine ndinati, "Ine ndikubwerera." Limenero linali Lolemba. Ine ndinati, "Lachitatu usiku, ndisanapite ku tchalitchi, ine ndipita kumeneko." Iwo anali anthu osauka, ndipo tinawakonzerza dengu la zakudya, kuti tikawapititsire iwo. Chotero ine ndinati, "Ine ndikufuna inu nonse mupite, ndipo ine ndikapita kumeneko. Ndipo inu mukapite kuseri kwa nyumbayo. Ndipo pamene ine ndikafike kumalo amenewo, kumene kuli nyumbayo, inu mukapenyetsetse ndipo mukawone ngati mwana wamng'ono sakabwera pansipo, ndi masharubu aang'ono atapangidwa *apa*, kumene iye anali akumwa mkaka wa chokoleti kapena chinachake. Mukuona? Ndipo adzayika manja ake mu anga, ndipo adzanena mawu awa, 'M'bale Bill, ndiri mwangwiwo kwathunthu.' Mwana wa zaka zitatu ameneyu. Mupenye ndi kuwona ngati izo sizikachitika."

⁸³ Mkazi wanga tsopano, Meda, kale ife tisanakwatirane, chotero iye anali mu gululo. Ndipo odzadza galimoto anapita ndipo anakakhala kuzungulira nyumbayo, mwaona, kuti adzandiwone ine pamene ndizikafika ndikuyendetsa galimoto yakale ya Public Service Company imene ine ndinali nayo kunyumba usiku umenewo. Ine ndinalibe galimoto iliyonse yangayanga. Yodzadza ndi phula kumbuyo, ndi zinthu, inu mukudziwa, kumene ine ndinali ndikumunyamula tsiku limenero, ndi kukonza zinthu. Ndinayendetsa kupita kutsogolo, ndinayima. Ndinapita pakhonde; ndinakagogoda pachitseko. Ndipo analibe karpeti pa fulo yakale yaing'onooyo. Ndipo amayi anabwera pansi, anati, "Bwanji, ndi M'bale Bill," monga choncho. Ndipo anthu anali akuyang'ana mmazenera, pa nthawiyo, kuti awone chimene chiti chichitike.

⁸⁴ Ndipo pakona, akusewera, panali mnyamata wamng'ono yu, tsiku lachitatu. Ine ndinayima, sindinanene kalikonse. Ndipo anabwera, akuyenda pansi, anadzayika manja ake aang'ono mmwamba mu anga. Ndi... Anali akumwa mkaka wa chokoleti, masharubu ake aang'ono, monga, cha *pamenepo*, chifukwa cha mkaka wa chokoleti. Anadzayika manja ake mu

anga, anati, "M'bale Bill, ndine wamphumphu mwangwiwo." Huh!

⁸⁵ Usiku umenewo, ku tchalitchi, ndinazinena izo. Ine ndinati, "Pali mtsikana wolumala, kwinakwake, amene ali wosowa." Ine ndinati, "Mpingo, ine sindikudziwa chimene zinthu izi zikutanthauza. Ine sindingathe kukuuzani inu."

⁸⁶ Ndipo—ndipo chotero ine ndinkagwira ntchito ku Public Service. Ndipo ine ndikukumbukira tsiku lina, pafupifupi sabata zitachitika zimenezo, ine ndinayamba kuchoka mchipindamo, ndikutuluka. Bambo Herb Scott, amakhala kuno mu mzinda pano, anali bwana wanga. Ndipo iye anati... Ndimapita kumusi. Iye anati, "Billy?"

Ine ndinati, "Eya."

Anati, "Usanachoke, ndiri ndi kalata apa ya iwe."

Ine ndinati, "Chabwino, Herbie. Ndiyitenga iyo mu miniti."

⁸⁷ Ndipo—ndipo chotero ine ndinapita kuti ndikatenge ntchito yanga ina, ine ndinali kufufuza. Chotero ine ndinapita kuti ndikatenge ntchito yanga inayo. Ndipo pamene iné—ine ndinatero, ndinakumbukira kalata ija. Ndinapita ndi kukaitenga iyo, ndinaitsegula iyo. Ndipo inati, "Wokondedwa Bambo Branham," mwaona, inati, "dzina langa ndi Nail. Ndine Mkazi wa Harold Nail. Timakhala kumalo otchedwa South Boston." Ndipo anati, "Ife ndi Amethodisti, mwa chikhulupiro. Ndipo ine ndinapezeka ndikuwerenga bukhu laling'ono limene inu munalemba, lotchedwa *Yesu Khristu Yemweyo Dzulo, Lero, Ndi Kwanthawizonse*, kabukhu kakang'ono. Ndipo ife tinali ndi msonkhano wa pemphero mnyumba mwathu, usiku wina. Ndipo ife tamva za inu mukupambana, kupempherera odwala." Ndipo anati, "Ine ndiri ndi mwana wamkazi wosautsika, wa usinkhu wa zaka fiftini," anati, "amene ali pa bedi la masautso. Ndipo mwanjira ina, ine ndikulephera kuti ndizichotse mmaganizo anga, kuti ine ndikuyenera kuti ndikufunseni inu kuti mubwere kudzamupempherera mtsikana uyu. Kodi inu chonde mungachite zimenezo? Ine wanudi, Mkazi wa Harold Nail. South Boston, Indiana."

Ine ndinati, "Inu mukudziwa, ameneyo ndiye mtsikanayo. Ndi iyeyo."

⁸⁸ Ine ndinapita kunyumba, ndinakawauza amayi anga, ndinawauza iwo za izo. Ine ndinati, "Ameneyo—ameneyo ndi mtsikanayo." Ndiyeno usiku umenewo, ku tchalitchi, ine ndinanena kwa mpingo. Ine ndinati, "Awa ndi amenewo—amenewo—amenewo—malo amenewo." Ine ndinati, "Aliyense akudziwa kumene South Boston ili?"

⁸⁹ Ndipo M'bale George Wright, inu nonse mukumudziwa iye, iye anati, "M'bale Branham, ndi...Ndikuganiza kuti ndi kumusi Kummwera."

⁹⁰ Chotero tsiku lotsatira, amzanga awiri a ine, ndi mkazi wanga, amene tsopano ali, ndi mwamuna ndi mkazi wake ochokera ku Texas. Dzi-...dzina lawo linali Brace, Ad Brace. Iye amakhala kumusi kuno tsopano, kumusi kwa Milltown, mlimi. Iye anali woweta ziweto Kumadzulo. Ndipo anali atasamukira kuno kuti adzakhale pafupi ndi tchalitchi. Ndipo ine ndinali nditamupempherera mkazi wake, ndipo iye anali atachiritsidwa ku vuto la chifuwa chachikulu. Ndipo chotero iye ankafuna kuti awone izi zikuchitika. Ine ndinati, “Inu mupite ndi ine, ndipo mukawone ngati sizikachitika mwanjira iyi kumene.” Chotero donayo anali asanawonepo masomphenya, Akazi—Akazi a Brace. Chotero mkazi wanga anapita ndi ine. Ndipo M’bale Jim Wiseheart, mkulu wachikulire, inu mukukumbukira, mpingo kumeneko, dikoni wachikulire, iye ankafuna kuti akawone zimenezo. Ine ndinangokhala ndi roadster yaying’ono, yakale nthawi imeneyo, ndipo ine ndinangowawunjika iwo onse mmenemo.

⁹¹ Ndipo ife tinapita kumusi kwa New Albany. Ndipo ndinakapeza chikwangwani ichi, ndipo ine ndinadzapeza kuti, sikunali ku South Boston. Kunali ku New Boston. Chotero ndiye ine sindimadziwa koti ndipite, chotero ine ndinabwerera ku Jeffersonville ndipo ndinamufunsa winawake. Ndipo winawake anapita ku posti ofesi, iwo anati, “South Boston ili kumtunda kwa Henryville.”

⁹² Chotero ine—ine ndinapita ku Henryville, ndipo ine ndinakafunsa kumeneko. Ndipo iwo anati, “Mukhote pa msewu *uwu*. Iwo anali pafupifupi mailosi fiftini, kumbuyo pamwamba pa mitunda iyi *apa*, inu mukapeza malo aang’ono. Inu mukakhale wosamalitsa, mungakawaphonye iwo,” anati, “chifukwa ndi sitolo yaying’ono imodzi yokha basi. Ndipo sitoloyi ili ndi posti ofesi, china chirichonse, mmenemo. South Boston, uko mmitunda iyi.” Kuli maekala seventini sauzande a mitunda imeneyo mmenemo, inu mwaona. Ndipo iyi ili kuseri kwake, mmapiri kumeneko.

⁹³ Chotero ife tinapitirira, kukwera limodzi. Ndipo zonse pakamodzi, ndinamverera mwachilendo, nditatha kuyendetsa, mamailosi faivi kapena sikisi, ine ndinamverera mwachilendo kwenikweni. Ine ndinati, “Ine sindikudziwa.”

Iwo anati, “Chavuta ndi chiyani?”

⁹⁴ Ine ndinati, “Ine ndikukhulupirira kuti—kuti Ujayu amene amayankhula ndi ine, akufuna kuti ayankhule ndi ine, chotero ine ndikuyenera kuti ndiyisiye galimoto.”

⁹⁵ Chotero ine ndinatuluka mgalimoto. Ndipo akazi atakhala pamiyendo ya akazi, inu mukudziwa, ndi chirichonse, roadster yaying’ono yakale imeneyo. Ndipo ine ndinatuluka mgalimoto, ndipo ndinapita mozungulira kuseri kwa galimotoyo. Ndipo ndinaweramitsa mutu wanga pansi, ndinayika phazi langa

pamwamba pa bampala, kumbuyo kwa galimotoyo. Ndipo ine ndinati, "Atate Akumwamba, kodi Inu mukufuna kuti wantchito Wanu adziwe chiyani?" Ndipo ine ndinapemphera. Palibe chinachitika. Ndinadikirira maminiti angapo. Ndipo ine ndinaganiza, "Chabwino, Iye..." Kawirikawiri kumene kuli unyinji monga choncho, ine ndimayenera kupita kwa ndekha. Ndipo chotero ine ndinadikira maminiti pang'ono.

⁹⁶ Ndinapezeka kuti ndinakopeka, ndinayang'ana cha uko. Ndinayamba kuganiza, "Chabwino, yang'ana kuno, apa pali tchalitchi chakale chija chakhala kumusi kuno." Ndipo ngati inu munakhalapo... Ndi Bunker Hill Church. Ndipo ine ndinayang'ana cha kumbali, Bunker Hill Christian Church, ndipo pamenepeo panali mitumbira ya kumanda, kumaso komwe kwa tchalitchicho.

⁹⁷ Ndipo ine ndinapita kumeneko. Ine ndinati, "Tsopano inu nonse muli ndi makalata amenewo." Ine sindinakhalepo mdzikolo limenero, mmoyo wanga. Sindinayambe ndakhalapo kumtunda kumeneko, kulikonse, mmoyo wanga. Ndipo ine ndinati, "Inu mutenje mayina amenewo ndi manambala ndipo mubwere kuno, muone ngati izo siziri chimodzimodzi pamanda awa." Ndipo apo izo zinali, ndendende basi. Ine ndinati, "Ndi zimenezotu. Ife tiri panjira yoyenera tsopano." Ine ndinati, "Ameneyo anali Mngelo wa Ambuye." Mwaona, ine ndinadutsa pafupi ndi iwo, ndipo sindimadziwa izo. Chotero, oh, Iye ndi wangwiyo.

⁹⁸ Ndipo chotero ife tinakwera kumapitirira ndi kumapitirira. Molunjika ine ndinakumana naye munthu, ndipo ine ndinati, "Kodi inu mungandiuze ine kumene kuli South Boston, bwana?"

⁹⁹ Iye anati, "Muthamangire kumanja ndi kumanzere," inu mukudziwa, zina zotero monga choncho. Ndipo ife tinangopitirira kumapita.

¹⁰⁰ Chotero patapita kanthawi, ife tinadzafika mu, ine ndinazindikira, ine ndinadzafika mmalo aang'ono. Ndipo iwo anali ndi ngati mudzi wawung'ono, monga. Ndipo ine—ine ndinayang'ana. Ine ndinati, "Ndi zimenezotu. Ndi zimenezotu, pomwe apo." Ine ndinati, "Ndi iyo apo... Apo, ndi iyo sitolo ya chikasu ija kutsogolo." Ndipo ine ndinati, "Tsopano, inu penyani. Mwamuna atuluka kuchokera mmnenemo, atavala ovololo ya buluu, koduroyi yoyer... kapena chipewa chachikasu cha koduroyi, wa masharubu aimvi, ndipo andiuza ine koti ndipite. Ngati sichoncho, ndine wankhambakamwa wamkulu."

¹⁰¹ Ndipo chotero iwo onse anali akuyembekezera. Ndipo—ndipo ine ndinayendetsa, kumaso kwa malowo. Ndipo basi pamene ine ndimayendetsa chokwera, kutsogolo, kunatulukira mwamuna atavala ovololo ya buluu, ndi chipewa chachikasu cha koduroyi, ndi masharubu aimvi. Ndipo Akazi a Brace

anakomoka mgalimoto, powona izo zikuchitika, monga choncho.

Ine ndinati, “Bwana, inu mukuyenera kundiuzza kumene Harold Nail ali.”

Iye anati, “Inde, bwana.” Anati, “Kodi mwachokera Kummwera?”

Ine ndinati, “Inde, bwana.”

¹⁰² Iye anati, “Inu mwadutsapo. Pafupifupi theka la mailo kumusi kwa msewu, inu mukhota, msewu woyamba kumanzere. Inu mukwere kumtunda, ndipo mukapeza nkhokwe yayikulu yofiira, ndipo inu mukakhota pamene po pa nkhokwe yofiira imeneyo.” Anati, “Ndi nyumba yachiwiri kumanja kwani, pamene mukukhota chokwera msewu wawung’ono wangati kanjira.”

Ine ndinati, “Inde, bwana.”

Iye anati, “Bwanji?”

Ine ndinati, “Iye ali ndi mwana wamkazi wosautsika. Sichoncho iye?”

Anati, “Inde, bwana. Iye ali naye.”

¹⁰³ Ine ndinati, “Ambuye akamuchiritsa iye.” Ndipo bambo wokalambayo anayamba kulira. Mukuona? Iye sankadziwa konse. Ndipo chotero iye anaphatikizidwamo mmasomphenyawo. Iye samadziwa zimene zimachitika.

¹⁰⁴ Ine ndinapotoloka. Ife tinakhala ngati tawatsitsimutsa Akazi a Nail kachiwiri. Ndipo tinapita kumeneko, ndinayenda kupita pabwalopo. Ndinataluka mgalimoto, ndinayamba kulowa. Ndinapita kupita kumalo kumene... inu mukudziwa, ku malo kumene iyo inali. Ndipo mtsikana wojintcha anabwera pakhommo. Ine ndinati, “Ndi uyo apo.” Mukuona?

Ndipo chotero iye anati, “Inu muli bwanji?”

Ndipo ine ndinati, “Uli bwanji?” Ine ndinati, “Ndine—Ndine M’bale Bill.”

¹⁰⁵ “Oh,” iye anati, “Ine—ine—ine ndinaganiza kuti inu muli.” Iye anati, “Inu munalandira kalata yanga?”

Ine ndinati, “Inde, amayi, ndinatero.”

Iye anati, “Ndine Akazi a Harold Nail.”

¹⁰⁶ Ine ndinati, “Chabwino, ndine wokondwa kukudziwani inu, Akazi a Nail. Ndipo ili ndi gulu laling’ono chabe limene labwera ndi ine, kuti tidzamupempherere mtsikana wanu.”

Anati, “Inde.”

Ine ndinati, “Iye akukonzekera kuti achiritsidwe.”

¹⁰⁷ Iye anati, “Chiyani?” Ndipo milomo yake inayamba kunjenjemera. Iye anayamba kulira.

¹⁰⁸ Ine ndinati, "Inde, amayi." Ndipo ine—ine sindikudziwa; Ine sindinamuimire mkaziyo.

¹⁰⁹ Ine ndinapitirira mpaka kumusi mu holoyo, ndipo gulu langa likunditsatira ine. Pamene ndinadzatsegula chitseko chakumanja kwa holoyo, nyumba yayikulu, yakale, yakumudzi, ndinatsegula chitseko, pameneopo panali nyuzi yachikasu-... kapena mapepala achikasu pakhoma, manambala ofifira; cholembedwa, "Mulungu dalitsani nyumba yathu;" bedi lakale la mkuwa; mbaula itakhala kumanzere kwanga. Ndipo panali machira aang'ono atakhala pameneopo, ndi mtsikana wooneka mwachinyamata uyu atagona mmenemo.

¹¹⁰ Tsopano chinachake chinachitika. Ine ndinali pakona ya chipindacho, ndikuliona thupi langa likupita ku bedi limenero. Ndipo ine ndinayika manja anga pamimba pake, ndendende momwe Ambuye ananenera. Ndipo pamene ine ndinachita zimenezo, pamene Akazi a Nail amalowa mchipindacho ndipo nkuwona zimenezo, iwo anagwera pansi, kachiwiri, anakomoka. Iwo ali ngati munthu wofooka, ndipo anakomoka pansi, kachiwiri. Ndipo M'bale Nail anali akuyesetsa kuti awathandizire iwo. Ndipo M'bale Jim wachikulire atayima pameneopo, akuti, "Adalitsike Ambuye," atagwira manja ake pamodzi, ngati inu nonse mukudziwa momwe iye ankachitira. Ndipo chotero ndiye ine ndinayang'ana pa izo, ndipo ine ndinaziwona izo.

¹¹¹ Ndipo ine ndinayika manja anga pa iye, kapena pamimba pake, monga *chonchi*. Ine ndinati, "Ambuye, ine ndikuchita izi mwa kulamula kwa, chimene ine ndikuganiza ndi, Mulungu wandiuza ine kuti ndichite ichi." Ndipo pafupifupi nthawi imeneyo, iye anayamba kulira, ndipo iye anadumphya mmwamba.

¹¹² Ndipo iwo anali atangowatsitsimutsa Akazi a Nail. Iwo anali atadzukapo, kuchokera ku kukomoka kwavo.

¹¹³ Ndipo pamene mtsikanayo anadumphya kuchoka pa bedi, apo panabwera mwendo wake wa chovala chogonera pa mwendo wakumanja, ndendende basi momwe izo zinawonetseredwa mmasomphenya. Ndipo apo panali bondo lozungulira lija la mtsikana, mmalo mwa mnyamata.

¹¹⁴ Ndipo pansi anapita Akazi a Nail, kachiwiri. Mukuona? Iwo anakomoka. Izo zinali nthawi zitatu zimene iwo anakomoka.

¹¹⁵ Ndipo mtsikanayo anatuluka mmenemo, mchipinda chimenecho. Ndipo anakalowa mchipinda chake chovalira, akulira, ndipo anakavala kimono wake, anabwerera akuyenda, akupesa tsitsi lake. Ndi iye...ndi lija lo...Ndipo lake—dzanja lake limodzi linali lolumala, nalonso, mbali ya kumanja. Akupesa tsitsi lake ndi dzanja lolumalalo.

¹¹⁶ Iye anakwatiwa, ali ndi ana. Dzina lake, sindikudziwa dzina lake tsopano. Koma a Nail, aliyense angakuuzeni inu, Harold Nail.

¹¹⁷ Ndipo masomphenya amenewo ndi owona. [Malo opanda kanthu pa tepi—Mkonzi.] Ine ndikhoza kuziyika zimenezo ndi kukutengerani inu kwa anthu amene angapange mabuku a zinthu zoterozo zimene zachitika. Tsopano, izo nzoona, M'bale Vayle.

¹¹⁸ Ine ndidzalephera; ndine munthu. Ndine wolephera, kuyamba ndi kuyamba, ndipo choloweza mmalo chosauka kwambiri cha wantchito wa Khristu. [Malo opanda kanthu pa tepi—Mkonzi].

¹¹⁹ [M'bale Vayle akuti, “Nenani zilembo za Merrell?”—Mkonzi]. M-e-r-r-e, ma l awiri. [“Ine ndimaganiza kuti ndi choncho kumusi uko. Eya.”] Kodi ndi amenewo onse amene alipo, awa tsopano? [“Nail anali N-e-i-l?”] N-a-i-l. [“Brace, B-r-a-c-e?”] B-r-a-c-e, Ad, Ad Brace. [“Tsopano ndikuganiza kuti ndiri nawo iwo onse. Miniti yokha. Graham Shelling?”] Graham, G-r-a-h-a-m. [“Ndi ‘n’ pamenepo.”] S-n-e, ma l awiri, i-n-g. [“Oh, Snelling. Tsopano ife tazipeza izo.”]



MASOMPHENYA A WILLIAM BRANHAM CHA60-0930
(Visions Of William Branham)

Uthenga uwu wa M'bale William Marrion Branham, woperekedwa mu Chingerezi Lachisanu mmawa, Seputembara 30, 1960, ku Campaign Office mu Jeffersonville, Indiana, U.S.A., unatengedwa kuchokera pa matepi ojambulidwa ndi maginito nudindidwa mosachotsera mawu ena mu Chingerezi. Kumasulira kwa Chichewa uku kunadindidwa ndi kugawidwa ndi Voice Of God Recordings.

CHICHEWA

©2023 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chidziwitso kwa ofuna kusindikiza

Mafulu onse ndi osungidwa. Bukhu ili mukhoza ku printa kunyumba kwanu ngati mutafuna kuti mugwiritse ntchito inuyo kapena kuti mukawapatse ena, ulere, ngati chida chofalitsira Uthenga wa Yesu Khristu. Bukhu ili simungathe kuligulitsa, kulichulukitsa kuti akhalepo ambiri, kuikidwa pa intaneti, kukaliika pakuti ena azitengapo, kumasuliridwa mu zinenero zina, kapena kugwiritsidwa ntchito ngati njira yopezera ndalama popanda chilolezo chochita kulembedwa ndi a Voice Of God Recordings®.

Ngati mukufuna kuti mumve zambiri kapena ngati mukufuna zipangizo zina zimene tiri nazo, chonde mulembere ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org